



KEMENTERIAN PEMBANGUNAN
USAHAWAN DAN KOPERASI
Ministry of Entrepreneur Development and Cooperatives

KENYATAAN MEDIA

PROGRAM BICARA ILMU “NIAGA TANI PINTAR, JANA INCOME STEADY”

KUCHING, 17 Oktober 2020 – YB Dato Sri Dr. Haji Wan Junaidi Tuanku Jaafar, Menteri Pembangunan Usahawan dan Koperasi hari ini telah merasmikan Program Bicara Ilmu “Niaga Tani Pintar, Jana Income Steady” anjuran Institut Koperasi Malaysia (IKM). Program ini merupakan inisiatif Kerajaan melalui Kementerian Pembangunan Usahawan dan Koperasi (MEDAC) untuk memberi pendedahan kepada usahawan dan anggota koperasi menjana pendapatan melalui pertanian moden dengan penggunaan teknologi IR4.0.

Program yang mensasarkan 150 orang ahli koperasi menerangkan tentang potensi sektor pertanian di negeri Sarawak dan penggunaan teknologi dalam pengurusan pertanian. Ini secara tidak langsung dapat menarik golongan muda untuk menceburi bidang pertanian moden.

Institut Koperasi Malaysia (IKM) sebagai pusat pendidikan dan latihan koperasi yang bertanggungjawab dalam pembangunan modal insan koperasi, tidak jemu mencurahkan ilmu kepada anggota koperasi di Sarawak untuk meningkatkan kemahiran dan pengetahuan seperti di dalam pengurusan pertanian moden. Program ini diharap dapat melahirkan lebih ramai usahawan tani berjaya dalam koperasi dan membantu meningkatkan sumbangan KDNK sektor koperasi dengan menggunakan sepenuhnya teknologi atau IOT dalam pengurusan pertanian moden.

MEDAC sentiasa memberikan komitmen tidak berbelah bagi dalam usaha untuk memperkasakan gerakan koperasi selaras dengan Dasar Keusahawanan Nasional 2030

(DKN2030) yang menyasarkan sumbangan perolehan koperasi sebanyak RM100 bilion menjelang tahun 2030. Hasil usaha ini akan dapat dicapai apabila Kementerian bersama agensi yang dipertanggungjawabkan untuk menjaga kepentingan koperasi, sentiasa berusaha mengukuhkan prestasi dan produktiviti pelbagai sektor koperasi, sebagai salah satu penyumbang utama dalam usaha meningkatkan ekonomi negara.

**YB DATO SRI DR. HAJI WAN JUNAIDI TUANKU JAAFAR
MENTERI PEMBANGUNAN USAHAWAN DAN KOPERASI**